

1613

29. Jan 1613.

Estats generaux

Aduis à vn des grands
de ce Royaume, sur
la harangue faicte au
tiers Estat le 2. Ian-
uier 1615.

*Par Monseigneur le Cardinal du Perron,
touchant la puissance du Sainct Pere,
sur les Princes Souuerains.*

Avec le Decret du Concile de Con-
stance, contre les attentats, sur les
sacrees personnes des Rois.



1 6 1 5.

Case

F

39

326

1615 advg

THE NEW
LIBRARY

48-1127 3

Advis à vn des grands
de ce Royaume sur
la harangue faicte au
tiers Estat le 2. Ianu.
1615 par M^oseigneur
le Cardinal du Per-
ron, touchât la puis-
sance du S. P. sur les
Princes Souuerains.



ONSEIGNEVR,

Comme estant le
moindre de vos serui-
teurs, le plus redeuable & le plus af.

A ij

fectionné à vostre seruice, ie serois
accusé de trop d'ingratitude, si n'ayât
autre reuanche, pour vne infinité
de faueurs, que ie reçois iournelle-
ment de vous, ie ne vous faisois part,
au moins, des nouuelles de la Cour
& des Estats, que le bon genie me
fit rencontrer Vendredy dernier 2.
de ce mois & an, aux Augustins, où
Monseigneur le Cardinal du Per-
ron assisté de vingt cinq ou trente
tant d'Archeuesques, Euesques, que
d'Abbez, fust trouuer le tiers Estat,
pour redre raison, accorder & signer,
cét article. *Que comme le Roy est reco-*
gneu Souuerain en son Estat, ne tenant sa
Couronne que de Dieu seul, Il n'y a Puis-
sance en terre quelle qu'elle soit, Spiri-
tuelle ou temporelle qui ait aucun droict
sur son Royaume pour en priner les per-
sonnes Sacrees de nos Rois, ny dispenser
ou absoudre leurs sujets de la fidelité, &

obeissance qu'ils luy doiuent , pour quel-
 que cause ou pretexte que ce soit. Que
 tous les subiects de quelque qualité & con-
 dition qu'ils soient, tiendront ceste Loy pour
 Sainte & Veritable, comme conforme à
 la parole de Dieu, sans distinction, equi-
 uoque, ou limitation quelconque; laquelle
 sera iurée & signée de tous les Deputez
 des Estats: & d'oresnauant par tous les
 Beneficiers, & Officiers du Royaume auant
 que d'entrer en possession de leurs Benefi-
 ces, & d'estre receuz en leurs Offices.
 Tous Precepteurs, Regents, Docteurs, &
 Predicateurs tenus de l'enseigner, & pu-
 blier. Que l'opinion contraire, mesmes
 qu'il soit loisible de tuer & deposer nos
 Rois, s'esleuer & rebeller contre eux, se-
 coïer le joug de leur obeissance, pour quel-
 que occasion que ce soit, est impie, detesta-
 ble, contre verité & contre l'establis-
 sement de l'Estat de la France, qui ne de-
 pend immediatement que de Dieu. Que

tous liures qui enseignent telle fausse & peruerse opinion seront tenus pour seditieux & damnable. Tous Estrangers qui l'escriront, & publieront, pour ennemis jurez de la Couronne. Tous sujets de sa Majesté qui y adhereront, de quelque qualite & condition qu'ils soient pour Rebelles, Infracteurs des Loix fondamentales du Royaume, & Criminels de leze Majesté au premier chef: Et s'il se trouue aucun liure ou discours escript par Estranger, Ecclesiastique, ou d'autre qualite qui contienne proposition contraire à la dicte Loy, directement ou indirectement, seront les Ecclesiastiques de mesme ordre establis en France, obligez d'y respondre: Les impugner & contredire incessamment sans respect, ambiguité ny equiuocation sur peine d'estre punis des mesmes peines que dessus, comme fauteurs des ennemis de cet Estat. Et fut soustenu par l'Eloquence parfaicte, & inimitable du-

dit Seigneur du Perron , qui com-
 mença par ces mots, *Deus sit in corde*
meo & in labiis meis, &c. Et continua
 l'espace de trois grosses heures (apres
 auoir donne par railons naturelles &
 probables, la superiorité à l'Eglise
 par dessus toute Iurisdiction Secu-
 liere & autre) que toutes les obje-
 ctions qu'ayent peu faire S. Tho-
 mas, Scotus, Ockam, Sainct Bona-
 uenture, Sainct Bernard, & vn nom-
 bre infiny de bons Auteurs & Saincts
 personnages, alleguez, cottez, & exi-
 bez sur le champ par ledit Seigneur,
 dont ma labile memoire ne vous
 peut faire part, non plus que du
 reste du discours, n'estoient que
 questions ou objections problema-
 tiques, & sur ce subiect exposa les
 Theses, qui furent presentees & sou-
 stenues, il n'y a que huiet ans, par la
 Sorbone de Paris, & recita les me-

nues opinions & allegations, avec les repliques, toutes fondees sur la Sainte Escriture, tant de la partie negative, que de l'affirmative, sans toutesfois tenir pour son particulier aucunes desdites opinions, Lesquelles paroles il reitera par plusieurs fois à l'assistance, & qu'il n'entendoit ny sa compagnie, tenir ny croire, pour n'estre article de foy, ny resoluë par aucun Concile, ains questios problematiques, comme il a dit cy dessus, pour auoir esté iusques à present tousiours seruiteur du Roy, ainsi qu'il y est obligé naturellement, mesmes par tant de benefices receuz de sa main liberale, & pour auoir esté employé aux plus importantes affaires de l'Estat, qu'il a correes & recitees sur le champ fort articulément : Et pource qu'à escrit Mariana, & les autres depuis, mon-
stra

stra que les mesmes paroles auoient
 esté preschees deuant le Roy , par
 Iean Gerson , pour lors Chancelier,
 lesquelles il leut dans les Sermons
 dudit Iean Gerson, deuant toute l'as-
 sistance, & autres anciens Auteurs
 citez par le Concile de Constance
 sur ce subiect : En fin pour conclu-
 sion a dict qu'ils ne pouuoient, ne
 deuoient signer cét article de la sor-
 te, pour estre tres-importante à la
 Religion Chrestienne, & pour n'e-
 stre (ceste assemblée appelée Eglise
 Gallicane) qu'une partie du corps
 de l'Eglise, dont le Sainct Pere est
 le chef, qui causeroit autrement vn
 schisme, pire mille fois que l'heresie,
 & qui tacherait à iamais le Sainct
 Pere, trop bien qu'ils n'empeschoi-
 ent la Iustice Seculiere, & qu'au contrai-
 re, ils y apporteroient toutes sortes
 d'assistances, iusques à y employer

leurs moyens, leur honneur, & leur propre vie, & que pour cét effect, ils feroient publier par tout le Concile de Constance, qui tient pour Anathemes, & fulmine contre tous ceux qui se voudroient forger ces diaboliques opinions, pour quelque pre-texte que ce soit, ainsi qu'ils ont faict de ces maudites creatures, Jacques Clement & Rauaillac, dont la memoire ne sçauroit estre assez abominable : lesquelles conclusions ledit Seigneur du Perron a dit, qu'ils estoient prests de signer de leur propre sang, autrement qu'ils mourroient tous l'un apres l'autre en ceste resolution.

Sur quoy fut repliqué, autant succinctement que bas, par Monsieur le President Miron, President du tiers Estat : qu'encore qu'ils fussent nommez pour presenter les plaintes

& miseres du peuple, ils n'estoient pour cela heretiques comme les accusoit ledit Seigneur Cardinal en son discours, qu'ils estoient tous gés choisis pour la probité de leur vie, la plus-part Ecclesiastiques & tous en general bons seruiteurs du Roy: que ce n'estoit qu'un vray zele qui les portoit à exhiber & soustenir cet article, pour éviter à l'aduenir aux malheurs, qui ont pensé destruire entierement la France, sans la main toute-puissante du Dieu viuant: Où repliqua ledit Seigneur Cardinal du Perron, qu'ils ne pouuoient donner autre responce, pour les raisons qu'il auoit alleguees au parauant, & qu'il n'auoit iamais esté que bon François comme chacun scait.

C'est seulement icy l'extraict & le subiect de ce noble discours, qui ne peut estre descrit, que par celuy

de qui il a esté proferé, pour la gravité des paroles curieuses, recherches, & doctes citations, dont il a esté enrichy: avec autant d'admiration de toute l'assemblée, qu'il estoit plus nécessaire de l'escouter que se preparer à luy respondre. Que vous receurez pourtant d'aussi bon œil, comme vous le presente d'affection,


MONSEIGNEUR,


Vostre tres humble, & tres-
fidelle seruiteur. P. L.

*Decret du Concile de Constance, contre
les Attentats, sur les sacrees personnes
des Rois.*

LE Sainct Concile, conuqué,
pour l'extirpation des heresies,
aduerty qu'au prejudice de nostre
saincte foy, des bonnes mœurs, de
la tranquillité des Estats, & au scan-
dale public, aucuns dogmatisent,
qu'il est non seulement loisible, mais
aussi meritoire, à tout vassal ou sub-
jet, d'oster la vie à vn Tyran par tra-
hisons, embusches, flateries, ou en
quelque forme & maniere que ce
soit, nonobstant quelconque obli-
gation, ou ferment de fidelité par
luy faict, & sans preallable iugemēt:
desirant abolir de fond en comble
telles maximes, l'affaire mise en de-

liberation, declare telle doctrine
 pleine d'erreur en la foy, & es mœurs;
 la condamne comme heretique,
 scandaleuse, & introduisant trahi-
 sons, seditions & perfidies, & tous
 ceux qui opiniastrément la soustien-
 nent, heretiques, & comme tels
 punissables, suiuant les saints De-
 crets.





L'Image de la France présentée à la. M. des
Etats. en Trois parties - 1645.

Ce pamphlet est un des plus importants qui
ait été publié pour la défense de la requête
et de la doctrine politique de la cour. Il répond
au Catoy français qui fit tant de bruit.

L'auteur est pour la défense non seulement
de la reine et de ses ministres, mais des deux
d'Espérance ^{des Guises} des Jésuites. Il demande la réception
en France du Concile de Trente (avec quelques
révisions ~~mais si on les juge nécessaires~~ nécessaires en
point de vue des libertés gallicanes.) L'attaque
est dirigée contre les Huguenots, les Richéistes, &

Si Condé n'est pas nommé, on sent que 'au fond'
il n'est pas messagé'.

Le style est assez sobre pour le temps.
Il est clair et concis. La rédaction du
pamphlet a dû être faite sous l'inspiration de
C^{te} du Perron & peut être par un Jésuite
modéré de l'école du Père Cotton.



